




Cuerpo di Bombero pabien riba bosó dia



ORANJESTAD – Awe ta dia internacional di Bombero. Hopi biaha nos no ta realisa e importancia di un cuerpo te ora cu un situacion presenta cu nos mester di su ayudo.

Un siman prome cu e celebracion di Dia Internacional di Bombero, Cuerpo di Bombero a haye confronta cu un candela feros cu a exige tur nan energia y sabiduria pa evita cu mas edificio entre otro Aruba Bank tambe lo a kima. Bomberonan a sali di tur parti pa yuda nan coleganan combati un di e candelanan di mas grandi cu nan a yega di confronta. Bomberonan tambe a haci un tremendo trabou durante e

inundacionnan causa door di horcan Ivan. Pa diano largo, nan a keda ta chupa awa, yuda esnan den necesidad.

Esaki ta algun di e esenan cu ta muestra e importancia di nos Cuerpo di Bombero y ta na su lugar pa aplaudi

e tremendo trabou cu nos Cuerpo di Bombero ta haciendo. Bon Dia Aruba ta felicita Cuerpo di Bombero riba dia internacional di Bombero y ta desea tur bombero hopi forza, sabiduria den nan trabou.